

憂亭集人

^ 16  
2324  
3止



知  
2324  
3-3

金先生憂亭集卷之五



附錄

教書

王若曰秉義奮忠人臣之大節論功行賞帝王之良  
規既有非常之勲宜加不次之寵惟卿深沉而有  
守弘毅而有容智足以匡時器足以致遠卓冠司  
馬首捷賢科佐幕轅門抗疏諫者歷夏官而南宮  
轉中書而樂院惟其材之適用故無施而不久  
抱康濟之懷思展經綸之志頃者國家昏亂王業  
艱難敗毀彝倫賊殺諫輔國勢危於累卵人神怨



於幽明幸賴二三元老推戴寡躬弘濟大難從容  
談笑之際邦基復安不勞兵革之威民社已定上  
承

祖宗之祀下行子孫之休卿能奮走協贊與有功焉  
肆策勲為靖國四等功臣圖形垂後爵其父母妻  
子嫡長世襲不失其祿宥及永世仍賜伴倘二人  
奴婢五口丘史一名田四十結銀一十兩表裡一  
段內厩馬一匹至可領也於戲興衰撥亂予方勵  
志於丕圖善始保終卿其克勤於前烈故茲教示  
想宜知悉

溯源錄

始祖諱

興光

新羅 憲康王第三子知宗國將亂遁

于光州卜居西一洞子孫仍籍焉

二世諱

軾

甬干

新羅官名高麗平章之紱

三世諱

吉

佐麗

太祖至三重大匡功臣司空

四世諱

順

左僕射平章事

五世諱

策

平章事

諡文貞公

光宗甲子擢拜

天塲獨步榜頭 上特開儀鳳門賜以  
內馬令紫門指諭扶鞍而出

六世諱

貞俊

平章事

諡文肅公有一男一女女適

郎中李顥

七世諱長鑑門下侍中平章事 謚文安公 文宗

熙寧甲寅使大宋圖太廟國學又畫中

國勝景以歸蘓東坡有詩曰似知金馬

客時夢碧鷄坊水雪消殘臘烟波溷故

鄉鳴鸞自容與立馬久回翔乞與三韓

使新圖到樂浪有二男長義元次義文

改名若温侍郎 謚思靖公

八世諱義元事 睿宗仁宗至平章事 謚忠貞公

九世諱朱末朱一作珠金吾衛中郎將同正行隊正 贈

同知樞密院事戶部尚書上將軍自諱

至諱朱永未知為幾世而嶺南有二男

有一諱著為父子未知是否長光世次光存尚書

十世諱光世神虎衛中郎將左僕射平章事

十一世諱偉三司使平章事

十二世諱鏡亮金吾衛大將軍 贈門下侍中平章

事累薦吏部佐郎有二男長周鼎次

頂監察御史討賊殉節 贈侍中

十三世諱周鼎初諱之叔元宗朝魁文科 忠烈朝左

副承宣元宣授昭勇大將軍左副都

統賜虎符金牌征日本官至侍中材

無將相討亂誅反屢立大功 謚文

肅公有二男一女男長流次深府院

君女適尹光孫

光一作吉

十四世諱

流

文林郎監察御史

自諱周再至詳流不可考其幾世

十五世諱

允藏

奉翊大夫版圖判書密直副使

十六世諱

成甫

麗朝折衝將軍全羅右道都萬戶

今即

之水兼招討營田事時倭蒲湖右以

王命討平之過保寧樂其土仍家焉

子孫世居之公之戰時神馬自來故

峯曰玉馬寶劍自出故洞稱飛刀入

軍海門而有軍入浦伏兵花崖而有

伏兵坪浦石御冠故有冠巖賊屍蟻

屯故有蟻坪等地名入我 朝不仕

公之別廟在墓前親畫後禮當祧而

將埋安則霹雷大作不得奉遷如是

者以至再度故尚今權奉人頌為異

蹟且曰當血食而不得故也云云

配淑夫人孫原朴氏

十七世諱

南浩

武科

贈資憲大夫吏曹判書兼知

義禁府事行宣畧將軍後領護軍公  
行高位卑德厚心廉不為子孫計嘗  
拯濟州高氏世稱陰德 配貞夫人  
興德陳氏昌陽君斯文之后有五男  
一女男長仲老次善老次叔老次李  
老次興老女適趙以潞

十八世諱

仲老

世宗朝武科重試 贈崇祿大夫  
議政府左贊成兼判義禁府事行承  
議郎司憲府監察南海縣令公工於  
詩文有若干篇傳于後 配貞敬夫

人結城張氏有四男長孟權次公權  
進士庶子順權從權

十九世諱

孟權

早擢選榜名重賢館 贈純忠補祿  
功臣大匡輔國崇祿大夫議政府領  
議政兼領 經筵弘文館藝文館春  
秋館觀象監事 世子師光山府院  
君 世宗選置二十人泮儒屢賜召  
對 文宗膝抱 端宗申申顧諭曰  
爾等他日善補此兒及 光廟受禪  
即日徒步還鄉終身不赴舉號晚翠

堂時人目之以陶元亮同洋友金驪  
石改路爲本道伯巡到本邑望公間  
隴川下車詣門謝過後人名其川曰  
監司川事蹟俱在於藏六堂集新安  
俗陋曾不知學公教迪後進外孫李  
省庵土亭鳴谷李天休堂皆出此鄉  
至今尚稱公鄉先生中古士論齊發  
營建院宇而竟未就人莫不嗟鬱  
配貞敬夫人羅州全氏架閣庫承三  
達之女生三男二女后配 陳氏

男長克楨中司馬兩試後登文科燕  
山因私削科不復就試 贈左通禮  
次克成光城府院君次克讓郡守已  
卯名賢女長適韓山李穉判官次適  
原州元願 贈叅議庶女適李永淳  
二十世諱 克成 字成之號憂亭一號蘿軒中生員壯  
元擢文科第一官至大匡輔國崇祿  
大夫議政府右議政兼願 經筵監  
春秋館事光城府院君 諡忠貞公

行狀

公諱克成字成之其先光州人高麗侍中諱周鼎之  
後歷若干世至文林郎監察御史諱沅御史生諱允  
臧奉翊大夫版圖判書版圖生折衝將軍全羅右道  
都萬戶諱成雨於公為高祖嘗以王命討倭寇過  
保寧樂其土因家焉遂為縣人曾祖諱南浩贈資  
憲大夫吏曹判書兼知義禁府事初都萬戶公戒子  
弟曰吾平生無德可紀累屢倭寇彼雖醜類殺戮過  
多道家所忌汝輩能惟德是修而掃刮末世之念則  
庶保世德故判書專以恤窮匱救患難為事嘗有濟



州婦人高氏因歲饑率處女及家屬土馬浮海而來  
到京師見公慈仁願納女與馬而寄命焉公却其贈  
而屋食之仍令保寧姜氏子聘其女生子响致位三  
公其陰德之及人類此祖諱仲老再中武科仕至承  
議郎司憲府監察 贈崇政大夫議政府左贊成兼  
判義禁府事考諱孟權早擢進士有重名於世不樂  
榮利退人林泉教養子彜以終天年 贈純忠補祿  
功臣大匡輔國崇祿大夫議政府領議政兼領 經  
筵弘文館藝文館春秋館觀象監事光山府院君妣  
羅州全氏直長諱三達之女以成化十年甲午閏六

月十九日生公弘治九年丙辰中生員壯元十一年  
戊午擢文科第一人例拜宣務郎成均館典籍兼宗  
學司壽十二年轉司憲府監察十三年以 聖節使  
書狀官赴燕未還丁外艱十五年服闋授兼部校尉  
咸鏡南道評事 朝廷以公有文武長材欲試於戎  
幕故有是 命十七年夏秩滿遷宣教郎成均館典  
籍俄轉弘文館修撰知製 教兼 經筵檢討官春  
秋館記事官未幾超拜承訓郎司諫院獻納兼春秋  
館記注官時燕山政亂欲以非罪殺沈順門問于羣  
臣自三公以下皆莫敢異議大司諫成公世純曰吾

等職在諫官處之何以左右嘿然公答曰官以諫爲名見人無罪而死縱愛身不言奈負其職何正言李世應曰獻納言是或曰若不順旨必與順門同死終無益也公與成公談笑自若曰死生大矣各任其志可也今日先死者必吾兩人次者正言也豈累他人遂啓其無罪之狀燕山不聽用亦不之罪十八年春改奉直郎兵曹正郎知製 教秋陞拜朝散大夫司僕寺僉正兼知製 教冬選議政府舍人知製 教兼春秋館修撰官正德元年丙寅秋今 上卽位賜奮義靖國功臣之號拜中直大夫軍器寺正副正知

製 教俄陞掌樂院正兼職如故二年春超拜折衝將軍行龍驤衛副護軍兼宣傳官冬公以親老懇乞歸養 命差近地守令遂補舒川郡守爲政務存實惠不用虛文在郡三年吏民便之公以謂桑梓雖近而職事有縻猶未得朝夕侍奉於是投紱而去以親甘旨過三年竟遭內憂哀毀盡禮鄉黨稱之八年服除拜僉知中樞府事九年改掌隸院判決事十年乙亥春轉兵曹參議時義州屢經凶荒守宰連不得入朝廷議選有文武備具者往撫軍民衆論咸歸於公特拜嘉善大夫義州牧使封光城君公慮邊民強悍

難御推誠撫字以服其心其有犯令者亦不之貸曰  
非我負汝亡自負法民之失所者特與經紀俾復其  
業期歲之間境內大蘓十三年戊寅秋秩滿入為禮  
曹叅判兼五衛都摠府副摠管冬拜慶尙右道兵馬  
節度使十五年移公為其道觀察使聽理以明黜陟  
以嚴一道肅賦十六年遽為工曹叅判 命朝正于  
京師進退有儀華入日為知禮亡部亦接遇有加嘉  
靖元年壬午還自燕京拜可憲府大司憲未幾復遷  
工曹叅判兼五衛都摠府副摠管 世子右副賓客  
二年夏 特拜資憲大夫禮曹判書仍兼帶賓客俄

改議政府右叅贊兼知義禁府事同知春秋館事  
世子右賓客秋轉吏曹判書餘如故公於庄擬之時  
博采僚佐之薦務得堪其任者每批目下中外服其  
公廉是時西北夷人來居間迤茂昌部落漸多 朝  
廷令兩界驅逐以公有將帥才可寄大事 特拜平  
安道觀察使四年入為禮曹判書兼同知春秋館事  
五衛都摠府都摠管五年遭繼母喪七年秋服闋復  
拜禮曹判書兼五衛都摠府都摠管 世子左副賓  
客冬轉司憲府大司憲兼 世子右副賓客八年  
特拜議政府右贊成兼知 經筵事 世子貳師九

年轉兵曹判書兼知 經筵春秋館事十年夏遷議  
政府左贊成餘如故其冬會權臣斥外陰搆大臣以  
及於公竟坐配于興德公引咎自責凡七年杜門不  
出雖親戚相過亦不之接人或問遣輒辭不受十六  
年權臣伏罪還公爲議政府左叅贊兼 世子左賓  
客俄拜大匡輔國崇祿大夫議政府右議政兼領  
經筵監春秋館事光城府院君凡有大議必證據古  
事斟酌時宜歸柁合當十九年庚子寢疾于第以四  
月初五日卒享年六十有七訃聞 上悼甚輟朝三  
日 特遣承旨吊喪 祭賻贈有加 命有可是年

八月二十五日以禮葬于保寧縣北青所里烏樓山  
之麓公天資豐秀氣局弘毅和嚴簡重動靜有常喜  
怒不形於色自筮仕以至於老憂國之心終始如一  
待人必以至誠或有負者遇之如初不以介意雖子  
弟有過必從容引古和顏色以諭之其不迫如此莅  
官又極愼重凡遇決囚務欲得情不拘延滯其在義  
州也有民妻告隣人某甲與其夫因商賈作伴偕去  
仍殺其夫不知屍軀所在左驗頗明公疑其有冤故  
緩其獄密訪端由無虛日閱六箇月春水初解有哨  
瞭人回自界上公備問所見答曰有死馬溺在江中

其半在外公親往審之乃令剖水得一尸首公喜曰  
某甲之寃雪矣卽招尸親視之果其夫也遂首實曰  
公神明不可欺也吾夫本以興敗潛通上國之地必  
乘夜誤溺於此因而凍死云其沉幾明斷類此公之  
謫南時人慕之還京之日都中父老爭趨咸涕而隨  
之曰復見聖人吾儕死無憾矣仁澤之浹人又如此  
居家以儉素自持或勸丹其舍公曰以奢侈遺子孫  
不祥嘗語子弟曰人之患在於好勝至於曲直之際  
尤不必自辨人雖不知何害我直平生對子弟教以  
義方未嘗言利公娶禦侮將軍行忠武衛副司直李

公諱文忠之女生一男三女男麟士軍器寺主簿女  
長適別坐李佐明次適忠義尉勵節校尉尹之讓次  
適生員李夢奎副室生有一男一女男曰獮士娶參  
議柳仁貴之女曰適秉節校尉李億長主簿前娶忠  
義衛權準之女無後曰娶縣監李參之女生一男一  
女別坐生一男四女勵節生二女生員生一男一女  
皆幼謹狀

後識

公歿之七十有二年公之孫景社手自鑄琢將樹  
墓碣屬余文余曰後學也不敢道前輩輕重且無

以取信也惜乎公之時其無名賢大儒見而知公之輕重且足取信於後者爲之操筆也景祉曰噫晦齋李先生與王父一時所撰行狀存焉而碑文行狀文體不同末端又無先生名跡是以不敢入石余取讀其文公之官職履歷言行梗槩備載其中矣仍問曰何由知此文之爲先生撰歟曰王父之贅李生員夢奎嘗語其子希參曰其時大司成晦齋先生所撰云景祉則親聞於進士余曰然叔父親聞於進士進士傳於家庭而生員公以一時英傑聞人實主相公之喪則知其文之爲先生無

疑矣况考其時輓詞及祭文先生皆爲大司成則其爲先生撰又無疑矣且祭文有曰宏材碩德學富而醇詞意與行狀所稱相爲表裡則其爲先生撰尤無所疑矣吁各賢大儒見而知公之輕重者莫如先生取信於後者亦莫如先生而其文之爲先生撰章已無疑如此則今日之立石傳後捨是文而何哉文體不足論也景祉曰俞第王父子孫之不及於文者子爲我記之謹按主簿累遷楊根郡守陞通政娶李參女生五男三女男曰乃崙景祿景祉景祥景祚女曰青原都正侃忠義衛李俞察訪

趙詡也別坐一男雲起一女縣監洪逸民逸民之  
孫命元命亨皆文科勵節二女長適判書李樛次  
適叅奉崔希齡生員一男希參進士進士外孫權  
縉文科生員一女趙擊仁生存性文科乃崙一女  
適李邦憲二男廷俊廷傑廷俊之子至善叅奉主  
公之祀景祿一男廷稷武科縣監二女適姜信胤  
適趙俊卿景社一男廷暉二女適趙元厚適崔汝  
訥廷暉之男曰明善幼景祥武科判官一男廷說  
景祿二男廷式廷碩二女適朴暉適田穉廷式之  
男樂善優善 善皆幼青原二男光山守孝胤錦

山都正誠胤二女適姜璿適沈僕李兪二男壽鸞  
壽鵬趙詡一男國弼郡守嗚呼名公之阜無石之  
樹埋沒之久也白首經營數年乃成公孫之誠也  
得先生文以垂後昆光彩之奔也連門之奉敢瀆  
琬琰後學之僭也

萬曆三十九年辛亥春奉正大夫前司諫院正言知  
製 教李慶倬謹跋

家狀

公諱克成字成之號蘿軒姓金氏系出光州麗朝有  
諱周鼎官至侍中是其鼻祖累世至諱沅監察御史

諱允臧版圖判書生諱成爾全羅道都萬戶卽今之水軍節度使實公高祖也嘗奉命討倭過保寧樂其土因家焉遂爲保寧人曾祖諱南浩 贈吏曹判書祖諱仲老監察 贈左贊成考諱孟權進士 贈領議政光山府院君皆以公貴也議政公早有重名文廟末年召對嘉賞選置泮宮已而時事變公遂謝業步歸終老林泉世益高其行義娶羅州全氏以成化甲午閏六月十九日生公幼有異質稍長學業日進丙辰魁司馬戊午又魁大科年才二十五卽拜典籍兼宗學司誨己未轉司憲府監察庚申以書狀官

赴燕還道丁外艱制終授北評事 朝議以公有文武才欲試之也秩滿盛玉堂爲修撰俄擢拜獻納時燕山欲以非罪殺沈順門問羣臣皆莫敢異辭公謂大司諫成世純曰官以諫爲名見人死無罪而不言縱愛身奈負職何左右默然或曰必與順門同死無益公與世純談笑自若曰死生大矣各任其志可也今日先死者必吾兩人豈累他人遂白順門寃狀燕山雖不聽亦不之罪遷兵曹正郎知製 教自是例帶三字銜陞司僕寺僉正議政府舍人正德丙寅中廟反正賜奮義靖國功臣之號累拜軍器寺掌樂



其半在外公親往審之乃令剖水得一尸首公喜曰  
某甲之寃雪矣卽招尸親視之果其夫也遂首實曰  
公神明不可欺也吾夫本以興敗潛通上國之地必  
乘夜誤溺於此因而凍死云其沉幾明斷類此公之  
謫南時人慕之還京之日都中父老爭趨咸涕而隨  
之曰復見聖人吾儕死無憾矣仁澤之浹人又如此  
居家以儉素自持或勸丹其舍公曰以奢侈遺子孫  
不祥嘗語子第曰人之患在於好勝至於曲直之際  
尤不必自辨人雖不知何害我直平生對子弟教以  
義方未嘗言利公娶禦侮將軍行忠武衛副司直李

公諱文忠之女生一男三女男麟士軍器寺主簿女  
長適別坐李佐明次適忠義尉勵節校尉尹之讓次  
適生員李夢奎副室生有一男一女男曰獯士娶參  
議柳仁貴之女次適秉節校尉李億長主簿前娶忠  
義衛權準之女無後次娶縣監李參之女生一男一  
女別坐生一男四女勵節生二女生員生一男一女  
皆幼謹狀

後識

公歿之七十有二年公之孫景社手自鑄琢將樹  
墓碣屬余文余曰後學也不敢道前輩輕重且無

以取信也惜乎公之時其歿名賢大儒見而知公之輕重且足取信於後者爲之操筆也景祉曰噫晦齋李先生與王父一時所撰行狀存焉而碑文行狀文體不同末端又無先生名跡是以不敢入石余取讀其文公之官職履歷言行梗槩備載其中矣仍問曰何由知此文之爲先生撰歟曰王父之贅李生員愛奎嘗語其子希參曰其時大司成晦齋先生所撰云景祉則親聞於進士余曰然叔父親聞於進士進士傳於家庭而生員公以一時英傑聞人實主相公之喪則知其文之爲先生無

疑矣况考其時輓詞及祭文先生皆爲大司成則其爲先生撰又無疑矣且祭文有曰宏材碩德學富而醇詞意與行狀所稱相爲表裡則其爲先生撰尤無所疑矣吁各賢大儒見而知公之輕重者莫如先生取信於後者亦莫如先生而其文之爲先生撰章已無疑如此則今日之立石傳後捨是文而何哉文體不足論也景祉曰俞第王父子孫之不及於文者子爲我記之謹按主簿累遷楊根郡守陞通政娶李參女生五男三女男曰乃崙景祿景祉景祥景祚女曰青原都正侃忠義衛李俞察訪

趙詡也別坐一男雲起一女縣監洪逸民逸民之孫命元命亨皆文科勵節二女長適判書李樛次適叅奉崔希齡生員一男希參進士進士外孫權縉文科生員一女趙擊仁生存性文科乃崙一女適李邦憲二男廷俊廷傑廷俊之子至善叅奉主公之祀景祿一男廷稷武科縣監二女適姜信胤適趙俊卿景社一男廷暉二女適趙元厚適崔汝訥廷暉之男曰明善幼景祥武科判官一男廷說景祿二男廷式廷碩二女適朴暉適田稷廷式之男樂善優善善皆幼青原二男光山守孝胤錦

山都正誠胤二女適姜璿適沈僕李兪二男壽鸞壽鸞趙詡一男國弼郡守嗚呼名公之阜無石之樹埋沒之久也白首經營數年乃成公孫之誠也得先生文以垂後昆光彩之奔也連門之奉敢瀆琬琰後學之僭也

萬曆三十九年辛亥春奉正大夫前司諫院正言知製教李慶倬謹跋

家狀

公諱克成字成之號蘿軒姓金氏系出光州麗朝有諱周鼎官至侍中是其鼻祖累世至諱沅監察御史

諱允臧版圖判書生諱成爾全羅道都萬戶卽今之  
水軍節度使實公高祖也嘗奉命討倭過保寧樂其  
土因家焉遂爲保寧人曾祖諱南浩 贈吏曹判書  
祖諱仲老監察 贈左贊成考諱孟權進士 贈領  
議政光山府院君皆以公貴也議政公早有重名  
文廟末年召對嘉賞選置泮宮已而時事變公遂謝  
業步歸終老林泉世益高其行義娶羅州全氏以成  
化甲午閏六月十九日生公幼有異質稍長學業日  
進丙辰魁司馬戊午又魁大科年才二十五卽拜典  
籍兼宗學司誨己未轉司憲府監察庚申以書狀官

赴燕還道丁外艱制終授北評事 朝議以公有文  
武才欲試之也秩滿盛王堂爲修撰俄擢拜獻納時  
燕山欲以非罪殺沈順門問羣臣皆莫敢異辭公謂  
大司諫成世純曰官以諫爲名見人死無罪而不言  
縱愛身奈負職向左右默然或曰必與順門同死無  
益公與世純談笑自若曰死生大矣各任其志可也  
今日先死者必吾兩人豈累他人遂白順門寃狀燕  
山雖不聽亦不之罪遷兵曹正郎知製 教自是例  
帶三字銜陞司僕寺僉正議政府舍人正德丙寅  
中廟反正賜奮義靖國功臣之號累拜軍器寺掌樂

院正明年進秩通政便養乞外補舒川郡守務存實  
惠吏民懷之公謂桑梓雖近猶不能朝夕侍奉遂投  
綏歸躬親甘旨數年議政公捐館舍哀毀盡禮鄉黨  
稱之癸酉服闋拜僉知中樞判決事兵曹參議乙亥  
特陞嘉善封光城君出牧義州時州連歲大侵僉舉  
屬公至則仁煦義摩推赤心以服民暮年境內大  
治戊寅入為禮曹參判兼副摠管冬拜慶尙右道兵  
馬節度使庚辰移拜本道觀察使宿訟迎刃貪吏望  
風一路肅然翌年拜工曹參判朝正于京師嘉靖壬  
午還拜大司憲兼世子右副賓客癸未特陞 禮曹

判書改右叅贊兼知春秋館義禁府事秋拜吏曹判  
書為政公廉時稱得人最多冬西北有警咸曰非公  
不可任遂特拜公平安道觀察使處分得宜遂得無  
事乙酉還入為禮曹判書復兼春秋摠管丙戌遭繼  
母喪丁除復拜宗伯都憲己丑進右贊成兼知 經  
筵 世子貳師庚寅遷兵曹判書辛卯又為貳公其冬  
金安老當路陰搆故相鄭光弼以及於公竄配于興  
德杜門七年雖親舊間遣一切謝絕之丁酉安老伏  
罪還公政府即拜右議政兼領 經筵監春秋館事  
光城府院君公之被召也都中父老加額流涕曰復

見善人死無憾矣凡有大議必證援古事斟酌時宜  
事正理順綽有大臣之風焉庚子暮春寢疾夏四月  
五日卒于位享年六十有七訃聞 中廟震悼輟朝  
帛祭如儀贈賻有加命有司庀葬事用是年八月甲  
申禮葬于保寧治北青所里烏棲山之麓公神姿豐  
秀器宇寬洪和而不流凝重簡嚴居恆動止有常處  
喜怒不形人莫敢窺其涯涘見人過全務掩蓋之雖  
子第有失必婉辭以諭未嘗以色加之待人必以至  
誠每曰人之患在好勝至於曲直龙不必辨自反而  
縮人雖不知於我何損性儉素或勸丹其舍則曰侈

以遺後不祥訓家庭必以義方平生未嘗言利居官  
簡潔判吏事必詳必慎斷獄如神明夫入李氏副司  
直文忠之女有淑德媿美生一男三女男麟士楊根  
郡守女長適別坐李佐明次適忠義衛尹之讓次適  
生員李夢奎楊根有五男三女男曰乃崙次景祿景  
社景祥景祿女長適青原都正侃有子錦山君誠胤  
以直節名世之源卽青原之外孫也次適學生李僉  
有子壽鵬爲同知次適察訪趙詡有子國弼曾躋二  
品李佐明有一男一女祭奉雲起女縣監洪逸民有  
子命元命亨孫處厚處尹處大俱通顯尹之讓有二

女曰李樑崔希齡李夢奎有一子一女男曰希參女曰趙擊有子存性位列卿謚昭敏有孫昌遠 國舅封漢原府院君啓遠今為參判楊根之孫曰廷俊廷傑乃崙出也曰縣監廷縷景祿出也曰廷暉景祉出也曰廷說景祥出也曰廷式廷碩景祚出也廷俊之子曰至善參奉寔奉公祀諸會玄長幼共二十餘人諸派外裔共二百餘人不可盡錄嗚呼公以兩科壯元華問早蔚而既登 朝朝廷不專以文翰用公或屈於戎幕或淹以邊閫不能一日安於經幄蓋公之經綸籌畧已自廊廟之具 朝家之所以待公者不

淺西急虜則公西南急倭則公南典禮非公不可則公三為宗伯衡人物掌邦政非公不可則公長兩銓既出而復入綏入而復出 國家以公輕重者殆三十年可謂躋矣然此不可以論公之槩當燕山熾醜焰逆意者立見鼎鑊公以一諫官抗論直人寃分死不顧此可見公之守不與壬人朋比竟為其所擠流貶七年不變其節此可見公之大公之歿今百有十餘年而其操履之確樹立之卓器業之洪文學之美赫赫在人耳目晦齋李先正嘗記其行蹟月抄李相公又銘其墓道雖足以不朽公狀公之嗣孫窮而不

揚不克以公之行聞於太常尚闕易名之典大為有  
識之慨之源以公之外裔霑餘慶叨匪據雖非宅相  
之賢而其於公生平德懿得之家庭者熟矣叅摺兩  
公之文追成家狀撰次如右敢託於知言之君子願  
得一言之重以為考信之地伏惟 相公閣下俯覽  
而進退之如不以為不可幸即移狀禮官俾正 昭  
代之謚法不勝幸甚

右狀上

金領敦寧府事閣下

己未十月 日議政府右議政沈之源謹狀

謚狀

逆

神道碑銘

當 中廟卽位之三十二年嘉靖丁酉 上誅流權  
倖大徵召耆喆於是前左贊成金公起謫所復為贊  
成俄進拜議政府右議政 上方嚮重公朝野想望  
風采越三年庚子公卒 上震悼命輟朝三日吊賻  
祭 贈恩禮有加用其年八月葬公子保寧縣烏棲  
山麓盖公之歿距于今七十有四年公之諸孫相與  
伐石謀不朽以狀來叩不佞曰吾先祖幸得備位將相  
官階皆第一勲爵在盟府法應立碑如今其立朝事



業有足傳世行後而顧墓道尚闕顯列諸孫重懼久  
益泯敢徵惠子一言不佞辭不獲則謹按故奮義靖  
國功臣大匡輔國崇祿大夫議政府右議政兼領  
經筵監春秋館事光城府院君金公諱克成字成之光  
州人麗朝有諱周鼎官至侍中是其鼻祖至諱流監  
察御史諱允臧版圖尙書生諱成雨全羅道都萬戶  
實公高祖嘗奉命討倭過保寧樂其土因家焉遂  
爲保寧人曾祖諱南浩贈吏曹判書祖諱仲老監  
察贈左贊成考諱孟權進士贈領議政皆以公  
貴議政公早有重名文宗大王末年召對嘉賞

選置泮宮已而謝科業歸老林泉娶羅州全氏生公  
於成化甲午幼有異質丙辰魁司馬戊午又魁大科  
年始二十五拜典籍兼宗學司諱庚申以書狀官赴  
燕還道丁外艱服闋授北評事朝廷以公有文武才  
欲以試之也秩滿盛王堂為修撰俄擢拜獻納時燕  
山欲以非罪殺沈順門問羣臣皆莫敢異辭公謂大  
司諫成世純曰官以諫爲名見人死無罪而不言縱  
變身奈負職何左右默然或曰必與順門同死無益  
公與世純談笑自若曰死生大矣各任其志可也今  
日先死者必吾兩人豈累他人遂白順門寃狀燕山

雖不聽亦不之罪累遷兵曹正郎議政府舍人 中  
廟卽位錄靖國功陞拜掌樂院正明年進秩通政便  
養乞外補舒川郡守亡何投綏歸議政公捐館哀毀  
盡禮鄉黨稱之歷判決事兵曹參議陞嘉善爲義州  
牧使州連歲大侵僉舉屬公亡至則仁煦義摩推赤  
心以服民暮年境大治戊寅入爲禮曹參判其冬又  
出拜慶尙兵使庚辰移拜觀察使宿訟迨刃貪吏望  
風一路肅狀翌年拜工曹參判朝正于京師還拜大  
司憲兼 世子賓客癸未超拜禮曹判書轉右參贊  
吏曹判書西北有警遂拜公平安道觀察使秩滿復

爲禮曹判書甲申遭繼母喪亡除復拜宗伯都憲已  
丑進贊成轉大司馬知 經筵 世子貳師辛卯又  
爲貳公金安老陰搆與故相鄭光弼同貶配興德杜  
門七年雖親舊問遺一切謝絕之丁酉安老伏罪還  
公政府卽進右揆公之被召也都中父老加額流涕  
曰復見善人死無憾矣公神姿豐秀器宇寬洪和而  
不流凝重簡嚴居恆動止有常處喜怒不形人莫敢  
窺其涯涘見人過專務掩蓋之雖子弟有失必婉辭  
以諄未嘗以色加之待人必以至誠每曰人之患在  
好勝至於曲直友不必辨自反而縮人雖不知於我

何損性儉素或勸丹其舍則曰侈以遺後不祥訓家  
庭必以義方平生未嘗言利居官簡潔判吏事必詳  
必慎斷獄如神明夫人李氏副司直文忠之女有淑  
德生一男三女男麟士楊根郡守女長適別坐李佐  
明次適忠義衛尹之讓次適生員李夢奎楊根生五  
男三女男曰乃崙次景祿景祉景祥景祚女適青原  
都正侃次適李愈次適察訪趙翹李佐明有一男四  
女尹之讓有二女李夢奎有一男一女乃崙生二男  
一女長廷俊次廷傑景祿生一男二女男曰廷縷景  
祉生一男二女男曰廷暉景祥生一男曰廷說景祚

生二男二女長廷式次廷碩青原都正生二男二女  
男長光山守孝胤次錦山君誠胤李愈生二男長壽  
鸞次壽鵬趙翹生一男曰國弼內外諸孫共若干人  
嗚呼公以兩科壯元華間早蔚而既登朝七廷不專  
以文翰用公或屬於我幕或淹以邊閫不能一日安  
於經幄盖公之經綸籌畧已有廊廟之具 朝家之  
所以待公者不淺西急虜則公西南急倭則公南典  
禮非公不可則公三爲宗伯衡人物掌邦政非公不  
可則公長兩銓既出而復入綏入而復出國家以公  
經重者殆三十年可謂躋矣狀此不可以論公之槩

當燕山熾醜燄逆意者立見鼎鑊公以一諫官抗論  
直人寬分死不顧此可見公之守不與壬人朋比竟  
爲其所擠流貶七年不變其操此可見公之大皆可  
銘

待中有孫士而字志潛光遜世以全素履既蓄必  
發乃生相公亡惟襲訓啓慶自躬豐中秀外穆如  
條風再魁多士大播其馨騫于通列與望以傾正  
言危朝不畏義死相我 中宗勲庸顯施乃登將  
壇乃秉國鈞出入險夷周旋屈伸秩宗弘化左右  
俱宜謨口基之七年南陲如距斯脫 上思公忠

公來自謫相車崇仁民扞於市士慶於朝爰卜金  
鉉以總百僚 聖心虛已賢路拭目望國黃耆天  
奪何速公歿于位禮盡哀榮名在四夷功紀旂常  
惟勤其始以享其終不昧者存愈遠彌隆銘以述  
之我言匪侗

崇祿大夫行禮曹判書兼弘文館大提學藝文館  
大提學知 經筵春秋館成均館事 世子右賓  
客李廷龜撰

金先生憂亭集卷之五

金先生憂亭集卷之六

附錄

賜祭文

維嘉靖十九年歲次庚子四月壬戌朔十八日巳卯  
國王遣臣承政院左副承旨韓淑 諭祭于平右議  
政金某之靈台星隕矣天文晦矣樑木摧矣大厦壞  
矣股肱亡矣一身損矣老成逝矣邦國瘁矣天寶殲  
之又誰懟矣天之初生實爲世矣魁顏鉅鼻氣磊磊  
矣兩有文武匪一藝矣泰山喬嶽量河海矣一鳴驚  
入越于葦矣往在草昧國步蹶矣卿時策飭盟礪帶

矣維予小子虛心待矣夙夜不懈補不逮矣巨邪媚  
嫉日譏詈矣嗟予不察遷海溼矣地濕炎蒸侵瘴癘  
矣姦黨既殛復昭洗矣賜環歸來形已弊矣白首丹  
心益自倍矣俾秉國鈞爲周砥矣凡有稽疑若卜筮  
矣若濟巨川作之柁矣若歲大旱用霽需矣或作益  
梅調粵尊矣或作麩葉和酒醴矣邊境或綱汝維制  
矣百辟或違汝維厲矣蒼生或艱汝維濟矣予心或  
焦汝維啓矣予之無虞以汝在矣一朝棄予誰賴  
矣輟朝三日不覺涕矣予聞忠魂死不昧矣庶幾告  
予誰可代矣道而致哀非爲例矣而莫之非而誠大

矣

維年月日

國王遣禮曹佐郎

臣安忠達

諭祭于

卒右議政金某之靈惟靈天佑東方降此德人學有  
淵源才蘊經綸早捷魁科振拔清塵歷敷華要切業  
日新扞我于艱忠孝社稷帶礪其盟勲溢玉冊兩有  
文武惟其所投擁節南北無闕外憂載長天官用人  
惟精陟于司馬克請戎奠邦高柁國之長城爰立  
作相秉國之鈞睿也當朝不有其身正色率下風俗  
還淳喬嶽不運功利及民永擬股肱克紹前烈天何  
不憇奪我輔弼眇予寡躬倚卿斯深著龜已亡痛纏

予心啓沃誰堪贊襄誰任民失仰庇實予無祿倖奠  
一危冀靈來格

祭文

維年月日司憲府執義李弘幹成均館學官田承旣  
刑曹佐郎李求成等敬祭于平議政府右議政光城  
府院君金公之靈惟公河岳鍾靈列宿騰精降爲異  
人稀世之英早魁司馬又占龍頭才兼文武德量休  
休出入宣勞澤加于世翊扶聖運盟叅帶礪再提銓  
衡士林攸仰秩躋貳公愠于兇黨一斥朱維終雪誣  
枉進履台躔倚如柱石殷鼎梅塩舜裳翻散謂言百

歲永享天祿天不慙遺而奪之速嗚呼哀哉吾儕鄉  
隣夙承眷厚十駕追驥望深山斗長捧杖屨祝公純  
福豈意斯疾儀刑奄失上爲國慟下哭吾私恭奠泂  
酌侑以哀詞物微情至靈其格思嗚呼哀哉尙饗  
維年月日大匡輔國崇祿大夫領中樞府事柳溥正  
憲大夫知中樞府事權撥嘉善大夫同知中樞府事  
南世雄折衝將軍行虎賁副護軍李希輔通訓大  
夫尙衣院正曹相賢通訓大夫利川府使洪士附修  
城禁火司提檢通訓大夫李仁佐等云七仗以天道  
將昌必象奎壁國運將隆必降明翼明翼之生實闕

社稷天與既晚天奪何速非公之災乃國之厄天平  
慟哉民失怙恃生何以託國喪著龜疑孰從決挽回  
驪陸半道中缺康濟蒼生試一遣百國惋不慙士嗟  
罔贖嗚呼痛哉字量之洪江河乃小識鑑之明儀隣  
不曜臨事莫撓乃喬乃岳歲寒不改寔松寔栢道貫  
化始學通墳籍連魁兩科如拾六博文足以粉繪昇  
平武足以經紀天地塵垢可鑄伊呂糠粃可陶皋夔  
優遊以位育陰陽談笑以調劑元氣中雖國凶狼跋  
乃東織成萋斐鑿虛架空妖不勝德天警雷風蒼皇  
出迎相葉擬終又何不幸台折星宮悲纏士林慟微

宸衷嗚呼哀哉某等俱忝據下幸與年同沐清薰德  
在麻之蓬兄耆弟視往來憧憧此日升堂莫接音容  
鏃礪之訓聽之夢亡言語有盡懷抱何窮一酌之奠  
百哀坎中嗚呼哀哉尙饗

維年月日前時興察訪崔秀忠云亡惟靈天賦真醇  
學文該博早擢巍科名滿一國人稱公器商尹殷說  
時逢陽九扶傾社稷功參盟府彤圖麟閣出按嶺南  
和風正俗入爲憲長朝綱振肅選判銓衡野無遺逸  
西戎桀鷩侵我之境王曰此人軍旅可整命西方  
伯野人遁迹公之所向無不稱職權奸用事妒賢竄



黜朝野傷痛額天而祝天高聽卑從人之望凶徒伏  
罪乃回昭光金鷄一放調和鼎彝唐虞之治庶幾以  
待天不祐我斯人斯疾一朝捐賓人孰不惜吾儕小  
人况因姻婭情之同極豈族之亞奈如之何無所依  
托恭陳薄奠庶幾欲格嗚呼哀哉尚饗

維年月日議政府錄事文緝等云惟靈斯文先進  
廟堂大器調益鼎彝和燮二氣山川高嶽利澤及物  
民有父母國有柱石天胡不仁早奪良弼元老之亡  
朝野之傷吾儕小人趨陪車塵廓恢包荒俯賜矜憐  
今無仰庇如失所天謹具菲薄以達衾臆尚饗

維年月日兵曹判書柳灌參判申光漢參議朴祐參  
知李霖等云云惟靈天漢昭回卿雲輪困凝精孕秀  
篤生巨人學究精微才蘊經綸弱冠應舉再捷魁科  
鵬程始啓歷敷斯多初由翰墨終有武烈功參盟府  
忠在社稷天官是長司馬是職爲卿爲將春注有屬  
德優見忌以寵成辱厥愠綏殄秉國鈞軸君恩再渥  
民望加額正色立朝屹如喬嶽治具日張德業方洽  
天何不整遽奪良弼人亡著龜國失柱石九重震悼  
贊襄何托百僚無祿失此矜式某等俱以下列久承  
容光今來吊廬共切摧傷恭陳侑辭薦此菲薄靈其

不昧庶幾來格嗚呼哀哉尚饗

維年月日禮曹判書丁王亨參議李潔佐郎鄭惟吉  
等云云惟靈山河間氣奎壁儲精德稟蘭馨標潔水  
清連擢巍科騰踏康莊柏府蔽垣金馬玉堂蜚英歷  
敷厥績異常分軍玉帳按節西方並著令譽休有耿  
光屢掌銓衡遂躋峻列長沙遠謫烟霧否塞凶奸所  
擠神明正暹天旣悔禍罷登巖廊爲國元老著龜靈  
長喬木非貴世臣是臧二豎遽嬰天不慙遺聖以驚  
悼大厦無支凡在朝野涕泗交頤某等或曾爲僚或  
承餘芳聞訃擗踊五內摧傷來陳薄奠庶歆一觴尚

饗

維年月日漢城府判尹金安國左尹禹孟善右尹韓  
胤昌等云云惟靈維嶽鍾精降爲名相金玉其章河  
海其量聲名震赫魁科再捷歷敷崇顯備試盤錯盟  
叅帶礪功存社稷才全文武望重柱石久專盛譽羣  
小所疑將期剗剔反中其機泰然若命何慮何思陰  
沲俄消太暘昇輝還我台司輿望所歸儼押班行正  
芻垂紳經邦論道澤普于民咸曰永享重休累吉云  
胡不祿天不慙遺哲人云逝悼慟曷已竊念吾儕俱  
以無似猥忝班序遠失依恃上爲公勸更哭吾私旅

拜几筵聊奠菲薄物微誠至庶幾歆格尚饗  
維年月日工曹判書尹任叅判洪景霖正郎朴自英  
等云亡惟靈降神山岳應時挺生早負人望夙著家  
聲兩捷魁科既文且德瑞世英俊邦家柱石歷揚中  
外秉國之柄豐功在人偉績無竟名登鐵券位期台  
鼎陰邪巧搆水炭難併赤烏几亡孰知姬公天鑑孔  
昭念我匪躬白日回光妖氛肅清公歸自南士林歡  
迎不仁斯遠多士彙征眷容廟廊鎮國阿衡不動聲  
色大論底平群情顒望希世隆亨朝廷倚童聖春方  
深一疾纏綿國之圖任天胡不遺奪我著龜九重震

驚朝野悼悲任等獲承仰德叨忝受知人今無祿公  
遽至斯茲薦菲薄用貢下忱公其我諒庶幾來歆嗚  
呼哀哉尚饗

維年月日吏曹判書梁淵叅判申瑛叅議朴世蕃佐  
郎趙彥秀等云云惟靈粹稟元精命世挺生量深江  
海才兼濟經早登龍馬第一其名青雲擁後遊騁鵬  
程論思之任頓綱之職歷敷華秩動有聲績仕由學  
優沛有餘地官以德懋在時尊二士林宗師廟堂柱  
石非躬二朝秉心忠直世偽難勝幾年南荒消長有  
時鳳書催裝擢置玄台群望復屬作我著龜永鎮家

國那知一疾竟到難醫倚伏茫口天不慙遣要之於  
神宜畀多福求之於天遐齡是錫冥理難明痛矣何  
及宸軫亡鑑世歎埋王永訣堂筵仰成歟日某等忝  
居後塵夙慕儀則聊修薄薦莫公一危魂方有靈其  
來監茲嗚呼哀哉尚饗

維年月日醫人黃世亨云亡惟靈德與位以俱崇人  
無間然天奪眉壽莫知其緣朝野共惜聲震天地賤  
生艱拙無由知己靈其怒取感戴如嶽遠以捐館吾  
將安適悼痛無極泣以繼血吾將逝矣逝當侍側夫  
復何言嗚呼哀哉尚饗

維年月日坡原府院君尹汝弼西原君韓恂青城君  
沈順經益原君洪景霖經歷韓洽都事鄭承休等云  
云惟靈生有異度夙負英特起自湖甸奮翻科甲穩  
步雲衢騰揚臺閣遭際風雲策名勲籍昔乞江郡實  
爲親養吏不忍欺民留思想始階大受出入勞勩化  
弘貳公遠丁謨構環賜位進右政之議羣賢彙征國  
勢安帖宸眷方隆謂亨遐福豈料秦眷撤相今日嗚  
呼哀哉心地之寬器宇之洪輔國之誠推賢之公今  
焉已矣痛悼何及台折鑑亡風範永闕顧惟吾儕端  
遇聖明山河帶礪早參同盟聞公之喪倍萬傷情爰

奉薄奠用表寸赤神乎不昧倘賜欲格嗚呼哀哉尚饗

維年月日中樞府領事柳溥知事權撥鄭百朋黃琛  
尹熙平同知事宋淑瑾南世雄金璇鄭士龍崔世孫  
任權合知事吳世翰李亨順李光植孔瑞麟申玉衡  
李世曾許寬等云云惟靈量宏識遠譽自妙齡詞學  
俱瞻教由趨庭科開小大世難得兼公刃有恢並魁  
何嫌翰苑中兵聲華藹溢獲臆勳盟遂躋顯秩西塞  
南屏連跨戎馬辰墟弁封袞鉞遍假勞勩上徹擢長  
南宮贊皇籌畧魏公精忠貳公峻除專階爰立坐誣

賦鵬七年甲濕聖斷去凶公首賜環竟踐台躔以贊  
釐剛望孚時揀共擬必壽一疾屬續憤口誰咎山頽  
何望樑壞安仰某等義忝同寅情篤傾想祖載有日  
倍深悽悵來薦菲薄庶冀臨享尚饗

維年月日司僕寺提調戶曹判書曹繼商主簿洪遇  
龍等云云惟靈質美梧槽器琤瑚璉道德彪風儀  
偃蹇忠重千鈞學精百鍊蚤魁大科崑玉一片千里  
駁逸九霄鵬轉騁靶青冥茂有歷踐戴芻烏府伏蒲  
薇院指心斲亡立朝睿亡才全吉甫爲邦之憲記問  
博洽遇事精鍊 王用王世昵承殊眷望隆黃扉擢

蒙超選中罹蠅玷素志不變良王試火寶彩愈炫司  
馬復相爰置台鉉後進領袖冠冕年尚非翁志  
慮精健謂享耆艾福履永行胡邁一疾藥無瞑眩運  
值木稼殲我良善天不憖遺厥理難辨某等同忝太  
僕從事黽勉久襲芳馨義分不淺追惟平素酸淚自  
泫躬莫菲薄冀歆薦薦嗚呼哀哉尚饗

維年月日兵曹正郎金振宗羅允明佐郎黃博李仲  
樑南應龍李彥枕等云云惟靈山河鍾秀篤生大人  
方其韋布志在經綸首登黃甲早著敷歷龍飛九五  
盟參太室卻穀之才蕭曹之匹道直謗積元老是斥

天鑑孔昭召還台列爰秉國鈞再光黼黻安危係身  
衆望如山一疾不瘳大化難攀九重震悼百僚摧傷  
某等久厠周行仰瞻容光恭陳菲薄庶幾來格嗚呼  
哀哉尚饗

維年月日掌隸院判決事金遂性司議趙憲閔元宗  
鄭琳司評閔世璠曹敬修成世英柳世龜等云云天  
祐家邦用錫龐臣魁顏巨鼻碩貌長身器局方嚴風  
神秀發材全公輔德協良弼再捷巍科歷揚峻秩蜚  
英騰茂際會風雲撥亂亨屯遂策宏勳入補袞職出  
祛民瘼所在著稱蔚有聲績徂茲艱厄遜厥碩膚斤

退十卦久挫訐謨入踐台階長于百僚股肱元首願  
禰當朝安危所係裴郭是期邦家攸慶壽考則宜如  
何一疾遽至於斯著折龜焚靡有稽疑吾儕小人久  
致懿德聞訃以來五內如裂敢瀝血誠用奠菲儀英  
靈在上歆我一危嗚呼哀哉尚饗

維年月日議政府領議政尹殷輔左議政洪彥弼左  
叅贊李龜齡舍人林億齡李依舊等云云二五氣全  
鍾美于人應時稟生輔佑昌辰公之後偉寔天降神  
弱齡攻文萃間日新逮冠者選望隆儒紳大科之設  
多士是賓公膺魁薦聲動楓宸揚鑣臺閣振袂要津

播芻立朝實推王臣中興策勲績最臣隣功存廟社  
澤賴生民擢升亞卿弘濟艱辛將相之望萃公一身  
出入屏翰夙夜惟寅長于夏官治最以聞超資孤少  
養望酬勲休仁老成 王國之鈞將期大施左右經  
綸何知事謬遠斥南濱斯道之否在公則伸七年歸  
來鬢髮白銀 王曰久勞丁時之屯世其相予庶見  
風淳謂公壽考上答洪恩云胡一疾精爽遂昏宸心  
惻愴具僚涕飜某等久同謀政情篤弟昆承訃一踰  
五內若焚含哀來奠冀紆英魂嗚呼哀哉尚饗  
維年月日成均館大司成李彥迪司成安秀良金伯

醇司藝金漢老李公穉李顯忠學官田承旣直講安  
世豪李若水金鼎金希聖典籍張應梁金忠俊博士  
安公信學正安鴻金世憲學錄柳希春等云云惟靈  
光嶽毓秀鳳麟瑞世宏材碩德夫孰與媿汪其量  
不見涯際學富而醇蜚聲早歲冠登司馬仍魁科第  
試諸盤錯通方無滯卓犖之行亦矜其細高明之識  
物莫能蔽歷敷華要志尚愈厲切大亨屯盟叅帶礪  
久占盛名羣小所睨一斥朱維信命幽閉陰邪消伏  
白日澄霽入踐台躔衆望攸繫夏衡殷梅道與時契  
謂享介祉永言不替天何不遺奄忽而逝哀哉吾儕

無似叨忝班綴斯文眷厚臭同蘭蕙上爲公勸下私  
以涕靈其格思歆我蕉荔尚饗

維年月日戶曹判書曹繼商叅判金銛叅議張籍佐  
郎尹釜等云云惟嶽降神篤生碩德器宇夙成道尊  
學博南省捷首金門策甲體國葵誠可貫金石翼贊  
靖國心在社稷風雲際會水魚同得歷敷萃秩位至  
崇極萋斐中搆長沙賦騰衆皆慮危公自信篤兇徒  
伏辜宣復乃職入謝天庭頌仁老成命登台府信協  
輿情表儀朝著百僚是式大川舟楫巨厦柱石鎮定  
家邦泰山喬嶽袞職是補功侔稷契天顏載悅晝日



三接嗟台群僚倚如著龜神胡不慙兩豎未醫百祿  
是將壽胡不昌爲國爲民痛迫中腸儀刑永隔哀痛  
罔及鼓奠清酌庶幾歆格嗚呼哀哉尚饗

維年月日承議郎行新昌縣監田汝霖云亡受氣光  
岳稟質昭回翱翔藝苑天挺大才早捷巍科歷敷華  
秩一冠獬豸朝綱振肅俄擢鈐衡不差錙銖時闕進  
退公遜碩膚罪人斯得 王曰旋歸置諸左右爲傳  
爲師調元協贊景仰柱石嗚呼哀哉天奪何速我初  
授職拜辭華門謂我主人贈語慇懃會不閱月載臨  
舊鄉奉迎往來得覲耿光始聞訃音夢也非真今覩

靈輿驚呼失神壽不滿德天不可必老成云去爲國  
掩泣謹以清酌庶馨式陳明薦尚饗

維年月日奉列大夫行都事李世球云云惟靈經綸  
大材厚德宏量毅然大夫志氣侗儻少試文墨擢冠  
司馬俄申龍第萬倍其價所履則謹所展皆嘉終任  
拯濟非公而何切叅靖國再安 宗祧出搨重權入  
處顯要聖眷彌新德望益崇縱任弘化在公何隆遭  
時孔厄愠于羣小七年於外隻影誰吊天鑑孔昭罪  
人斯得 王曰旋歸復覩宿德卜于人心授之台府  
蒼生屬望相業伊傳昊天不吊遽奪碩輔國喪老成

民失著龜 宸綽有加朝野咸悲况球何取獲知頗  
蚤愛遇款洽受惠不少一言有法遇事輒悟持身得  
要求矣佩服人皆公惜我兼私哭湖西千里松楸舊  
林靈樞倏返猿鶴悲吟浮生草屨脩短何論公在人  
世不朽者存敬薦菲薄用慰神明冀其一顧歆我微  
誠嗚呼哀哉尚饗

維年月日繕工監正趙翊敢告于金公右相之靈維  
岳降神生此吾公器宇偉健盖世之雄再捷巍科際  
會風雲身圖凌烟宗匠斯文位居弘化賁歸皇猷永  
介于炭駕言南州金櫃未啓旋秉鈞軸惟公歷敷不

可枚錄昔我芹齋與公同榻同庚磨肌交道益篤豈  
意如今我生公亡來此殯櫬我心悲傷今奠菲薄是  
乃天幸靈其有知歆我誠敬尚饗

鞞詞

天爲興王賚碩臣崇班突兀見長身休有量躋先  
哲睿亡無私見古人榮辱何殊風雨遇勲名未泯  
彝新奠楹夢罷入安放不復儀形聳縉紳

又

調羹不獨作梅益塞外知名一仲淹此日黃扉資黼  
黻他時玉帳壯韜鈴擎天偉業心偏勇憂國衰年病  
日添茲木尚留名滿世但知描寫禿毫尖

司饗院正洪暹

箕尾分精嶽降神名魁龍虎畫麒麟曾襟浩汗無邊



海氣象醇和有脚春樊棘苦遭纏覆手巖廊欣得老  
成人楓宸纏痛無明鑑舊瓏俄看馬鬣新

前承旨鄭世虎

巍亾功業絕無倫宗社安危在一身龍虎榜頭名獨  
擅麒麟閣上畫重新謨邪竟莫撓元聖忠義終能秉  
國鈞喁仰太平天奪遠哭公非我爲斯民

司饗正具壽聃

竒立無言庶績凝天生良相爲中興先憂牛喘真相  
契勿問車茵豈足稱起廢南荒嗟已晚親扶北極病  
無能民悲國勸俱無限天柱降摧正可矜

前刑曹判書李玘

山川鍾秀挺竒姿瓊樹風前長玉枝早歲騰聲龍虎  
榜亨途騁跡鳳凰池勲名已上麒麟閣爵位仍崇鼎  
鬯司百歲經綸深有望一生滄幻可堪悲人將利涉  
川無楫世欲稽疑國失輶賴此蒲庭蘭王在哀榮終  
始史應垂

右通禮洪春卿

夙志忘温飽文章擅再魁宵關吞海濶和氣挽春回  
不到顛危日誰知棟樑才平生鍊石手無復補天來

又

七年南海上憂國血沾衣繫得千鈞重危於一髮微

楊公天不與謝傳事多違麟閣丹青在狐狸却憎威  
前舍人嚴 昕  
白日臨空照太平經綸巨手向霄擎蠻鄉數歲何慚  
直台鼎當年庶竭誠天奪著龜疑孰定風摧玉樹事  
堪驚一身曾許安危重千載應留相國名

都承旨宋 純

河嶽英靈尺八躬文章煥赫老楊雄曾吞雲夢乾坤  
隘位極人臣德業崇一局碁殘哀落照三生夢覺蟄  
幽宮隔墻忽報歸仙府獨立西風淚不窮

知中樞尹熙平

早捷魁金榜勲庸際聖明授荒曾意外調得應時清  
用舍闕治否存亡係重輕從今百僚上無復見儀形

又

大才生不數寬德世無隣主聖方論道身衰遠返真  
天何奪楊縮卜更得參辰病裡殷勤語追思淚滿巾

前禮曹判書成世昌

河嶽精英曠世稀才全文武應明時經綸安石蒼生  
望名實溫公走卒知扶日茂勲今已矣騎箕英魄竟  
何之僚員曾忝風儀仰忍向東門哭素輶

禮曹參議李 滌

早奮鯤溟翮高攀月窟枝標名奎壁府定價鳳凰池  
片玉經炎質孤松出壑姿文章需黼黻謨議協著龜  
忽評嬰疑忌還聞謫濕卑賜環三接重前席寸心知  
位竟都廊廟勲曾勒丹彝達尊孚譽望遐壽擬期願  
周斗斟難又秦春輟共悲一生留不朽無愧古人垂

同知鄭士龍

間氣分光嶽興王一代臣鄉賓推行譽廷策究天人  
選擢魁多士經綸佐盛辰益梅商命重帶礪漢盟新  
赤烏膚會遜丹書戒竟陳霖膏須澍洽台曜遽輝淪  
叅贊空叨忝謨猷只仰遵承風陪浹歲薰德煦陽春

久囿包荒量長慚覺穢身祭毀今安杖舟移夜不晨  
承家餘幹盪紀績謾貞珉箕尾難追及杖淚向上旻

判尹金安國

殷鼎梅益贊大猷汪仁德量共推優方期周斗壽添  
酌何意秦春相杵休台旆去年驚烈飭靈輻今日卜  
眠牛侍朝未久催箕騎更爲吾私淚莫叔

前宗簿正李弘幹

早魁蓬榜又龍榜敷歷萃班入廟堂身佩安危爲柱  
石才兼將相致虞唐皇天不憝三台缺聖主興嗟一  
鑑亡乘化如何未黃髮雲臺猶想姓名香

右贊成尹仁鏡

十八班頭老凌烟第一勲  
訐謨安社稷碩德靖囂紛  
疾病同司馬忠誠似子文  
皇天猶不整何獨薄吾君  
司導寺正趙士秀

襟度恢七道與謀安危常  
共九重憂鼎彝勛業三台  
上科甲才名兩壯頭一代  
山川收爽氣百年人物想  
風流從今寂寞西州路不  
為蒼生且暫留

左贊成蘓世讓

任七德量浩無津入手經  
綸幹大鈞黼黻光華依日  
月山河帶礪盡麒麟秦春  
忽輟棟賢夜周斗仍停酌

老辰已矣台躔淪彩後此  
生寧復忝同寅

兵曹判書柳 權

儲精山岳秀生此一畸入  
黃甲題名早青蒲晉接新  
繡服賢勞遠卓囊獻替頻  
訐謨垂簡策形象畫麒麟  
豈意綠簧舌繚為賦鵬身  
風霜久處困雷雨解施仁  
急詔馳荒徼宣麻下紫宸  
去雷關秦否消長卜亨屯  
素位心如矢憂時髮似銀  
台階光列宿勛業展經綸  
星氣驚墮漢春聲忽輟秦  
羊曇無限淚為國更沾巾  
刑曹參判金正國

夢鷄先報謝公喪 聖念偏傷魏鑑亡  
殷鼎未調方

賦鵬舜裳初繡只陳王蒼生共惜甘霖短黃閣惟傳  
令聞長無復龍庭瞻正芻故山拱木鎖千章

右副承旨權應昌

天相吾 王治西南降異人遂爲昭代用久作太平  
臣出入丹心苦經綸素髮銀老成同彥博學術陋平  
津厚德淳撓俗雄謨聳搢紳盈庭羣議雜持重一言  
純接物襟懷曠推賢品鑑均何言僅中壽秉國止三  
春風采今人少難由贖以身

刑曹佐郎李永成

右轄韜精彩泰民撤相眷人亡悲不慙涕盡歎無從

白日迷龜著蒼山隔虎龍惟餘仁者後能守若堂封

兵曹叅判申光漢

當年馬試兼龍榜次第公皆擢大魁正似溟開鵬奮  
迅又如蕭奏鳳飛來宏洗碩武論兵壯煥赫清文制  
典諧鑑睽天官者瑩亡刃將戎部覺恢亡早教形像  
圖麟閣終見功名到鼎台樑毀如今無復仰白頭同  
榜倍酸哀

領中樞府事柳溥

龍飛四十春洽化未全醇公晚居鈞軸人期濟世屯  
春雷初解日羣物再蘓辰報國丹心盡憂君白髮新  
益梅綬入鼎霖雨已霑民量見同河海班瞻願搢紳



經綸伸素抱社稷有元臣世方隨日化天遽奪斯人  
當宁悲亡鑑同朝涕濕巾烏臺舊僚佐是日倍傷神  
光城勲業在雲臺位峻巖廊逼上台少擢壯頭如摘  
鬚久陪經幄得伸懷宸極怆悲良鑑失士林相吊秦  
山頽翮亡故里丹旆遠知有鄉人共含哀

大司成李彥迪

吏曹參判申 瑛

偉入生世豈無期再占高魁國士知帶礪參勲天眷  
早文武咸備大猷施三年調鼎時隨化一夢登仙事  
可追醫國緒言無復聽白頭悲涕自漣沔

右議政洪彥弼

早年魁兩榜國器尚恢亡寸藝兼文武功名位鼎台  
經綸隨手出機務得心裁獨恨光陰促為民極慘哀

戶曹判書曹繼商

處世全非齷齪人如公矣止一家珠圖形勲閣風儀  
肅奮志熙朝禮樂新汗簡謾留清素節巖廊空想老  
成臣顧余朽銑忝知分雨淚如傾濕蒲巾

刑曹判書柳仁淑

連魁聲彩赫當時經濟才從昔日期廢退寧嫌忠直  
道登庸終荷聖明知三台始協彌綸望一鑑旋摧不

金先生遺集卷之七  
七  
慈悲巷絕春歌渾棹惜定應千載重名垂

吏曹正郎丁應斗

者相知非淺家邦望早優迥攀文穆柱深運贊皇籌  
賦鵬嗟淹召登賢罄告猷豈期台忽折朝野涕難收  
知中樞權 撥  
達尊蔭德古賢同勲業能兼爵位隆雲暗長沙誰指  
佞日晴黃閣忽登公洪河賸有容人量喬岳難窮利  
物功天不慙遺民失庇鷺班無復挹長風

又

陶甄剛被十年春門下諸生誦德新從古科名連捷

首向來經濟獨超倫傳家儀範應時彥坦腹文辭是  
好人進退同途思我祖失公前路更迷津

禮曹佐郎鄭惟吉

落落金承相魁奇山岳精湯年身作兩殷鼎手調羹  
日者傾三接俄然奠兩楹吾私不足說一爲吊蒼生  
舍人林億齡

砥柱頽波裡更張屬老成士林知鄉道朝著識儀刑  
注意終三事傷心莫兩楹堂仁寧復有理玉勸佳城  
吏曹判書蔡 淵

材兼將相器江河身繫安危屬望多成錦未容朝事

誤賜環終使物情和格君謨議惟從正憂國肝腸已  
中痲琬琰勲庸還及遠指江漢有東波

弘文博士李弘男

勲名德業揜巍仁間世從知嶽降來扛鼎才高魁兩  
榜調羹手熟上三台朝廷政爾須更化樑木其如遽  
自摧一哭上為邦國慟沉思先契轉生哀

兵曹叅知李霖

久仰斯文契吾翁况屬盟兩家均子第一代共恩榮  
黃閣方調羹佳城奈隕精吾私未足道為國轉傷情

弘文修撰李震

天地儲精岳降神 聖君方仗老成臣雲臺圖畫勛  
名重台府經綸物情新百世斯文應有則一身盛德  
竟何淪都門祖送頻回首無復龍門得自親

同知中樞府事南世雄

天地分清淑英豪稟賦多襟虛疑玉潔氣傑暢春和  
鳴世才應富醫時道不頗馬頭叔峻價龍首捷巍科  
隆望登萃顯雄聲動通遐文謨遵禮樂武畧戢干戈  
更值風雲會方憂國步差誠存扶社稷切入誓山河  
事業真超異恩榮故累加司喉居斗極視草立鑿坡  
密勿勤數命雍容務去邪坐臺看松樹歸院對薇花

白簡新霜肅青蒲古節嘉北門通獮虜西路接中華  
擁節曾臨塞觀風幾間痾闕隱嚴鎖鑰黎庶徧漸摩  
辨物操銓鏡論兵衛國家水蒼長響佩款段好趁衙  
贊政惟弘化規身每斥奢商隣聞納誨虞殿屬賡歌  
自保吾心直寧知時事訛久遷侵瘴毒俄命召天涯  
戀闕孤枕赤還朝兩鬢皤政當更始際不用老成何  
卜相開黃閣登賢降白麻秉鈞孚燮理陶俗去煩苛  
柱石邦由泰著龜德可誇百年將指遠雙豎忽來遮  
各行人間在儀刑夢裡過楓宸亡鑑恨朝野折樑嗟  
賴有雲仍盛從知福慶賒情親交已密許與契無瑕

台府同聯步亨衢共蹠珂痛哭難再見哀悼淚傾波

領議政尹殷輔

金先生憂亭集卷之六終

憂亭集跋

忠貞公憂亭金相國卒已三百有二十年矣其文稿見逸初不藏於昆仍二百餘年之後始出於他家公適孫進士亮欽氏取而謄諸新冊謀入梓未就而沒今進士公之孫永秀憲秀等評印布酬先志屬余以校勘之役余不敢辭輒爲之整理得詩律六百餘首雜文七首合四卷並附錄二卷釐爲三冊臆斷爛甚矣公少業文弱冠連擢魁科而登瀛閣侍經帷縻史局常帶三字脚蜚英騰茂出入將相績用弘多製作必盈箱而今撥拾於散軼之餘者乃若是寂寥惜也

雖然文豈在多乎公之釋褐適丁無道之世而仕道  
隳航際遇風雲之會而殘貞者接跡側目公可謂進  
亦憂退亦憂意者報國丹心憂君白髮李文元先生  
輓語誠知言哉竊嘗復溯公見諸事行者而觀之當  
刀鋸待諫士之日抗論直人寃分死不顧可謂詎形  
於色矣南警則移而南北警則移而北邊圍固而民  
物蘓謫斥七年還入修門則都人加額可謂仁聲入  
人矣三爲秩宗邦典賴而從宜一朝京師萃人目爲  
知禮牧民御衆經事綜物之沉機明鑑莫不信服嗚  
呼仁知禮誼道斯具矣道不虛行其必由學吾知公

果不是不讀書宰相也昔諸葛武侯遺文無幾而若  
干札帖尙論者謂自性靈肝胆中流出又以爲從學  
問上來至黃牛廟記一篇謂之卧龍片鱗傳誦不衰  
文之不在多亦明矣皆係乎人耳今公於古所云三  
不朽者既有其二矣文章之工與不工有不必索論  
第就稿中所裁庭對及四書疑者讀之使人不覺歛  
衽拱手儼狀晟世大人君子之風猷有餘地焉類非  
近代經生學子襲陳言競浮藻者比蓋公於此乎必  
不以其所已能自足而用力於斯學如武侯所云研  
精理性者而人有未及知也耶抑公平生立朝本末

八  
多居於文經武緯之間細素瓠墨每為丹鍊鐘鼎所  
掩故當時之誦說者特寡耶雖然文字之顯晦固亦  
有掩連之期而名公之芳澤積久而彌彰行當與向  
所謂有其一者並而為三嗚呼休哉編摩既因書所  
感于卷末如右若其間猶有淘洗不盡者謹竢後來  
之博雅君子云

崇禎後四庚申仲冬日海陽鄭龜錫謹跋

